

逐家好！今仔日阮欲講的是：六甲第一街

大目仔：長耳仔，算算咧咱兩人綴護軍媽來到六甲嘛三百外冬囉！

長耳仔：是啊！有影誠久矣呢！那按呢，咱就對上熱鬧的媽祖廟附近來講起

大目仔：會記得民國七十幾年進前，媽祖廟頭前是一大片的傳統市場，逐天天拄拍

陪光就誠鬧熱矣，不而過，自從菜市仔搬徙位了後，遮就變較稀微囉！

長耳仔：就是講嘛，真數念彼段日子呢！好佳哉這馬在地的文化工作者開始佇一寡仔

重大的節日辦理豐沛閣精采的活動，予六甲囡仔會當重新認捌佢體驗咱六甲

的在地文化。

大目仔：講著在地的李阿源醫師，逐个人攏呵啉伊醫術高明，閣足有愛心。彼個時

陣，

若無錢通看病，會使先記數，過年前才還就好矣，若是還袂出來，他就佇廟前

的金爐將借據化掉，予患者好過年。所以，當時流傳一句話：來予李仔源

看，過洗布埤橋就好一半。

長耳仔：換我來講和烏山頭水庫的歷史全款久的忠利拍鐵仔店，現此時的第二代傳人

逐天早起就會起火爐拍鐵，六甲區大部分的農具，親像鋤頭佢柴刀，攏是對

遮生產出來的；另外，上予人歡喜的是第三代傳人嘛願意接這份工課，予這

間百年的拍鐵仔店會當繼續傳承落去。

大目仔：繼落來，我來紹介佇網路頂懸真有名的廟前礮冰，這百年的礮冰擔，上蓋有

特色的就是麵茶冰，清冰內底摻粉粿仔、楊桃、王梨佢麵茶，實在是芳、甜閣

透心涼，毋但熱天有冰通食，寒天閣有熱沸沸的麵茶圓仔湯喔！

長耳仔：拜六佢禮拜，規個廟埕會使講是人山人海，生意實在是沖沖滾啦！真正是

親像俗語咧講的：「第一賣冰，第二做醫生。」

大目仔：落尾，咱來介紹六甲人的信仰中心—恒安宮，也就是六甲鄉親所講的「媽祖廟」，媽祖廟主要是服祀媽祖婆，也就是護軍媽，人咧講「三月痾媽祖」，農曆三月二三，媽祖婆就會佇六甲庄的內內外外勻境，保底逐家平平安安。

長耳仔：這幾年廟方嘛舉辦誠濟藝文活動，有劇團表演、媽祖信仰文化的研習、過年行春，以及二九暝守年領錢母、躉轎跤，真正是心適閣有意義！

大目仔佻長耳仔：歡迎逐家有閒來阮「六甲第一街」蹺蹺看看咧！阮今仔日就介紹到遮，感謝逐家！